



舌

海昌王士雄孟英同校
定州楊照黎素園

張子和南陽宋老翁年六十餘歲身熱數日不已舌根腫起如舌大亦腫腫至滿口比原舌大二倍一外科以燭針刺其舌兩旁下廉泉穴病勢轉凶將至顛巖張曰血實者宜決之以針針磨令鋒極尖輕砭之日砭八九次血出約一二盞如此者三次漸而血少痛減腫消夫舌者心之外候也心生血故血出則愈又曰諸痛癢瘡癩皆屬心火燭針又火是何義也

元順帝之長公主駙馬剛噶勒臧慶王因墮馬得一奇疾兩眼黑睛俱無而舌出至胸諸醫罔知所措廣惠司卿聶濟爾乃伊囉勒珉人也嘗識此證遂剪去之頃間復生一舌亦剪之又於真舌兩邊各去一指許却塗以藥而愈

輟耕錄

宋度宗欲賞花一夜忽舌腫滿口蔡御醫用蒲黃乾薑末等分乾搽而愈蓋舌乃心之外候而手厥陰相火乃心之

臣使蒲黃活血涼血得乾薑是陰陽相濟也
芝隱方本
本草綱目

仙傳外科云有人偶含刀在口割舌已垂未斷一人用雞子白皮袋之糝止血藥於舌根以蠟化蜜調汁和膏敷雞子皮上三日接住乃去皮口用蜜蠟勒數七日全安若無速效以金創藥參治之用雞子白皮但取其軟而薄護

舌而透藥也
綱目

凌漢章治一男子病後舌吐凌兄亦知醫謂曰此病後近女色太早也舌者心之苗腎水竭不能制心火病在陰虛

其穴在左股太陽是當以陰攻陽凌曰然如其穴針之舌吐如故凌曰此知瀉而不知補也補數劑舌漸復故明何首庸治前鋒賴將軍舌木腫出不能縮何曰心氣亟熱也如久則飲食不下死矣灸飲器灼之腫消再投以湯劑